

# !Halo i kam long THAILAND!

Lanem abaot ol pikinini blong Papa long Heven long evri ples raon long wol.



Thailand i wan kantri long Saotis Asia. Samples long 72 milian pipol oli laef longwe.

Ol pipol blong Thailand oli selebretem niu yia blong olgeta wetem wan bigfala wota faet. Oli waswasem olgeta wetem wota blong tingbaot blong wasemaot ol rabis samting i gowe. !Faet ia i stap blong tri dei!



Long Thailand, oli pipol oli save go pem samting long ol bot blong reva, olsem ol stoa we oli stap flot. Ol reva oli wan wei blong travel raon long kapitol siti. Plante bilding oli stap long ol pos we i help blong holemtaet olgeta antap long wota.



## Snek I Kakae Tel

Jusum wan blong stap olsem snek 1 mo narawan blong i snek 2. Evri narawan bae oli stanap biae long snek 1 mo hang long hem we i stap long fored blong olgeta. Snek 2 bae i traem blong bitim snek 1 mo mekem las wan long laen blong i lego laen. !Eniwan we i lego hemia long fored blong hem, i aot!



## Som Tam

Grin popo salad hem i wan popula resipi long Thailand. !Hemia wan stael we yu save traem!

1. Long wan bigfala bol, miksim **1 ½ tebol spun pam suga (o braon suga)**, **1 ½ tebol spun fis sos (o soyo sos)**, mo **2 tebol spun laman jus**. Tantanem kasem taem suga i lus.
2. Katkatem smosmol **2 frut blong galik** mo **1 o moa red pima**. Katkatem **3 grin bin**. Katem **1 tomato** long ol bigfala pis.
3. Pilim **1 grin popo (o 3 grin apol)**. Rasrasem o katem long ol tintin slaes.
4. Ademap evri samting long bol mo miksim.



Tiger Cave Tempol hem wan i wan Budis tempol we plante pipol oli stap wosip mo prea long hem. Blong go long ples ia, yu mas klaem 1,260 step long wan maonten. !I gat ol mak blong leg blong taega long hol blong ston ia!



Thai hem i ofisol lanwis blong kantri ia. Thai alfabet i gat 72 leta.

Long Thai, yu save welkamem wan fren taem yu talem, "kin khao reu yang."

Hem i minim, "Yu kakae finis?"

!Tangkyu long famli blong Panya blong serem resipi ia!